



**udružena metalna  
industrija d.d.**

Envera Šehovića br.54  
71000 Sarajevo - BiH  
Telefon: +387 33 725 360  
Telefax: + 387 33 725 369  
E-mail: [uprava@unis.ba](mailto:uprava@unis.ba)  
[http:// www.unis.ba](http://www.unis.ba)

*Poštovani kupci,*

*Čestitamo na kupovini našeg proizvoda i zahvaljujemo se na povjerenju koje nam ukazujete. Nadamo se da ćete biti zadovoljni našim proizvodom i da ćete s njim provesti lijepe i ugodne trenutke sa vama dragim ljudima.*

*Toplo preporučujemo da potrošite malo vašeg dragocjenog vremena za čitanje ovog Uputstva kako bi se upoznali sa samim proizvodom.*

*Bit će nam veoma drago ako nađete vremena i popunite i dostavite nam anketni upitnik o zadovoljstvu kupca koji ćete naći uz ovo uputstvo. Vaše sugestije će nam biti dragocjene u poboljšanju kvaliteta i dizajna proizvoda.*

**Proizvođač:**

UNIS – Udružene metalna industrija d.d. Sarajevo, Bosna i Hercegovina

**Naziv proizvoda:**

Sklopiva vrtna garnitura

**Komplet:**

Vrtna garnitura podrazumijeva stol i dvije klupe

**Standardne dimenzije:**

Standardne dimenzije određene su prema dimenzijama ploča za stol odnosno klupe. Proizvodi se rade u četiri standardne dimenzije. U svakom slučaju, dimenzije vaše garniture su posebno označene na deklaraciji svakog pojedinačnog proizvoda. Standardne dimenzije su:

☞ dužina stola i klupe:	od 1950 do 2200 mm
☞ širina stola:	od 500 do 800 mm
☞ širina klupe:	250 mm
☞ visina stola:	775 mm
☞ visina klupe:	467 mm
☞ debljina ploče:	27/28 mm

## **Materijali:**

Garnitura je izrađena od kombiniranih materijala metal i drvo.

**Drveni dio** – Ploče od drveta smrče ili jele druge klase debljine 27 ili 28 mm, sastavljene od standardnih letvica poprečno lijepljenih u presama kvalitetnim ljepilom za drvo D-4. Drvo je sušeno na 8-10% vlage i bez ispadajućih čvorova. Ploče su na uglovima i svim bočnim stranama zaobljene radijusom. Prije ugradnje ploče su brušene i lakirane UV lakom po svim površinama u jednom premazu. Lice ploče nakon grundiranja premazuje se u dva prolaza kako bi se radna površina što bolje zaštitila.

**Metalni dio (noseći dijelovi)** – Elementi okova (noseći dijelovi) izrađeni su od toplo-valjane trake debljine 2,0 i 2,5 mm, kvaliteta ST 32.2. Metalni dijelovi, izuzev bravice, su lakirani lakovima u prahu EP, za vanjsku upotrebu, elektrostatskim postupkom sa pečenjem laka na 186-200°C, što obezbjeđuje kvalitet u korištenju. Bravice za sastavljanje su pocinčane, što omogućava da budu korištene u dužem vremenskom periodu.

## **Namjena i korištenje:**

Garnitura je namijenjena za vanjsku upotrebu u vrtu, dvorištima, terasama te za razne skupove, svečanosti i slično.

Kod konstrukcije i izrade proizvoda izvršeni su odgovarajući proračuni dozvoljenih opterećenja. Maksimalno opterećenje stola nebi smjelo prelaziti ukupno 250 kg, dok kod korištenja klupe treba voditi računa da je dozvoljeno istovremeno statičko opterećenje od maksimalno četiri osobe standardne težine (cca 320 kg). U svakom slučaju, **proizvođač ne preuzima bilo kakvu odgovornost za korištenje proizvoda izvan predviđenih namjena i dozvoljenih opterećenja.**

Kod rasklapanja stola i klupa posebno vodite računa da se sklopivi dijelovi pravilno i čvrsto uklope u bravicu. Iako su bravice predviđene da trpe velika opterećenja, preporučujemo da kod svakog korištenja provjerite njihovu funkcionalnost kako bi izbjegli neželjeno sklapanje stola ili klupe u položaju za korištenje.

**Proizvod je ispitan u eksploataciji i testiran u Zavodu za namještaj i drvene proizvode na Šumarskom fakultetu Sveučilišta u Zagrebu. Proizvod je zadovoljio na uvjete kakvoće prema Pravilniku o obvezatnom ispitivanju namještaja i dijelova namještaja te uvjetima koje moraju zadovoljiti pravne osobe ovlaštene za ispitivanje tih proizvoda (NN 63/95 i HRN D.E2.104). Ispitivanje izvršeno na: izdržljivost-trajnost, otpornost površine, kakvoću materijala i izrade. (Skupno izvješće o ispitivanju br.0945-10 i br.0946-10 od 29.11.2010.god)**

## **Održavanje:**

Vaša garnitura ne zahtijeva posebnu pažnju kod održavanja. Izbjegavajte upotrebu na kiši ili u drugim ekstremnim uslovima. Ako se polije vodom ili drugom tekućinom preporučujemo da to odmah obrišete suhom krpom. Ploče stola i klupa ćete svakako čistiti nakon svakog korištenja izbjegavajući agresivna hemijska sredstva koja bi mogla oštetiti lak. Metalne dijelove s vremena na vrijeme prebrišite vlažnom krpom uz upotrebu standardnih sredstava za pranje lakiranih površina, te nakon toga posušite.

Prilikom manipulacije dijelovima garniture (rastavljanje, sastavljanje, odlaganje) preporučujemo rukovanje uz normalnu pažnju. Bravice za sastavljanje redovno provjeravajte kako bi se kontrolisala elastičnost opruga i funkcionalnost dijelova za zatvaranje. Ako je to potrebno, opruge i zglobove na bravici povremeno podmažite sredstvom za čišćenje i podmazivanje.



**udružena metalna  
industrija d.d.**

Envera Šehovića br.54  
71000 Sarajevo - BiH  
Telefon: +387 33 725 360  
Telefax: + 387 33 725 369  
E-mail: [uprava@unis.ba](mailto:uprava@unis.ba)  
[http:// www.unis.ba](http://www.unis.ba)

Kod odlaganja izbjegavajte udarce u tvrde površine koji bi mogli dovesti do oštećenja laka ili samih materijala. Odlaganje garniture na duži period (preko zime) vršite u suhim prostorijama i u sklopljenom položaju. Preporučujemo da dijelove garniture odlažete u horizontalnom položaju kako bi se izbjegla ugibanja i krivljenja. Namještaj uvijek sušiti ako je mokar ili vlažan. Preporučujemo premazivanje namještaja vanjskim lazuroom 2 ili 3 puta godišnje ,ovisno o vremenskim uvjetima. Tretiranje se može vršiti i sa odgovarajućom specijanom mješavinom rastvora na bazi voska i biljnih masti.

**Garancije:**

Proizvođač daje garanciju za ispravno funkcionisanje proizvoda u periodu od **šest mjesec** računajući od dana kupovine. U slučaju reklamacije u ovom periodu obratite se vašem prodavcu koji će vam dati sve potrebne informacije o postupku i rokovima za rješavanje reklamacije.

Za reklamaciju će vam biti potreban ovjeren račun o kupovini i garantni list koji ste dobili uz ovo Uputstvo, pa preporučujemo da iste pažljivo čuvate.

Garancija isključuje :

- oštećenja i kvarove na proizvodu nastale nepravilnom upotrebom,
- oštećenja nastala neadekvatnim održavanjem i skladištenjem proizvoda,
- oštećenja nastala upotrebom garniture na neravnom terenu,
- oštećenja nastala uz statičko i dinamičko preopterećenje stolova i klupa,
- mehanička oštećenja nastala manipulacijom i neadekvatnim čišćenjem ,
- oštećenja nastala korištenjem u vlažnom prostoru ili na kiši,

**Rok upotrebe:**

Rok upotrebe proizvoda nije ograničen

Stoga još jednom ponavljamo važnost pridržavanja naprijed navedenih uputa.

Zahvaljujemo na povjerenju !